

მარტვილის მუნიციპალიტეტის საკრებულოს

დადგენილება №11
2023 წლის 9 ივნისი

ქ. მარტვილი

„მარტვილის მუნიციპალიტეტის მერიაში ცალკეულ ადმინისტრაციულ სამართალდარღვევათა საქმისწარმოებისათვის დოკუმენტების ფორმების დამტკიცების შესახებ“ მარტვილის მუნიციპალიტეტის საკრებულოს 2023 წლის 08 მაისის №10 დადგენილებაში ცვლილების შეტანის თაობაზე

„ნორმატიული აქტების შესახებ“ საქართველოს ორგანული კანონის მე-20 მუხლის შესაბამისად, მარტვილის მუნიციპალიტეტის საკრებულო ადგენს:

მუხლი 1

„მარტვილის მუნიციპალიტეტის მერიაში ცალკეულ ადმინისტრაციულ სამართალდარღვევათა საქმისწარმოებისათვის დოკუმენტების ფორმების დამტკიცების შესახებ“ მარტვილის მუნიციპალიტეტის საკრებულოს 2023 წლის 8 მაისის №10 დადგენილებაში (www.matsne.gov.ge, 11/05/2023, სარეგისტრაციო კოდი: 010250050.35.109.016400) შეტანილ იქნეს შემდეგი ცვლილება:

ა) დაგენილების პრეამბულა ჩამოყალიბდეს შემდეგი რედაქციით:

„საქართველოს ორგანული კანონის „ადგილობრივი თვითმმართველობის კოდექსი“ მე-16 მუხლის მე-2 პუნქტის „ზ“ ქვეპუნქტის, 61-ე მუხლის მე-2 პუნქტის, საქართველოს ადმინისტრაციულ სამართალდარღვევათა კოდექსის 55² მუხლის, 55⁶ მუხლის, 77¹ მუხლის, 77² მუხლის, 82⁵ მუხლის, 134¹ მუხლის, 135 მუხლის, 146¹ მუხლის, 150-ე მუხლის, 150¹ მუხლის, 151-ე მუხლის, 152-ე მუხლის, 152⁵ –152⁹ მუხლების, 153³ მუხლის, 153⁴ მუხლის, 158⁵ მუხლის პირველი და მე-2 ნაწილების, 209³ მუხლის პირველი, მე-3 და მე-4 ნაწილების, 234¹ მუხლის, 239-ე მუხლის 27-ე ნაწილის, 240-ე მუხლის, 242-ე მუხლის 3¹ ნაწილის, 243-ე მუხლის 2¹ ნაწილის, 268-ე მუხლის მე-7 ნაწილის, 270-ე მუხლის მე-2 ნაწილის, 272-ე მუხლის მე-2 ნაწილის, 273-ე მუხლის, ნარჩენების მართვის კოდექსის 47-ე მუხლის პირველი, მე-8, მე-12–მე-15 ნაწილების, „მკაცრი აღრიცხვის ფორმების შესახებ“ საქართველოს კანონის მე-8 მუხლის პირველი პუნქტის და „ნორმატიული აქტების შესახებ“ საქართველოს ორგანული კანონის 25-ე მუხლის პირველი პუნქტის „ბ“ ქვეპუნქტის შესაბამისად, მარტვილის მუნიციპალიტეტის საკრებულო ადგენს“;

ბ) დადგენილებით დამტკიცებული №1 დანართის მე-3 მუხლის მე-2 პუნქტი ჩამოყალიბდეს შემდეგი რედაქციით:

„2. საჯარო მოხელე საჯარიმო ქვითარს – ადმინისტრაციული სამართალდარღვევის ოქმს ავსებს საქართველოს ადმინისტრაციულ სამართალდარღვევათა კოდექსის 55² მუხლის, 55⁶ მუხლის, 77¹ მუხლის, 77² მუხლის, 82⁵ მუხლის, 134¹ მუხლის, 135 მუხლის, 146¹ მუხლის, 150-ე მუხლის, 150¹ მუხლის, 151-ე მუხლის, 152-ე მუხლის, 152⁵–152⁹ მუხლების, 153³ მუხლის, 153⁴ მუხლის, 158⁵ მუხლის პირველი და მე-2 ნაწილების, ნარჩენების მართვის კოდექსის 31-ე–35-ე მუხლებით, 36-ე მუხლის პირველი და მე-2 ნაწილებით, 39-ე მუხლით, 43-ე მუხლის პირველი ნაწილითა და 46-ე მუხლით. აღნიშნული მუხლებით გათვალისწინებულ შემთხვევებში, თუ სამართალდამრღვევს არ აქვს პიროვნების დამადასტურებელი საბუთები და არ არიან მოწმეები, რომლებსაც შეუძლიათ სამართალდამრღვევის მაიდენტიფიცირებელი ინფორმაციის მიწოდება, საქართველოს ადმინისტრაციულ სამართალდარღვევათა კოდექსის 243-ე მუხლის 2¹ ნაწილის შესაბამისად უფლებამოსილმა პირმა, შეიძლება სამართალდამრღვევი მიიყვანოს პოლიციაში სახელის, გვარისა და საცხოვრებელი მისამართის დადგენის მიზნით. აღნიშნული მონაცემების დადგენის შემდეგ საჯარო მოხელე ავსებს საჯარიმო ქვითარს – ადმინისტრაციული სამართალდარღვევის ოქმს.“.

მუხლი 2

დადგენილება ამოქმედდეს გამოქვეყნებისთანავე.

